



Miroslava Krleže br. 1; 76100 Brčko Distrikt BiH; Telefon: 049/220-890, 212-984 Faks lokal 222
Мирослава Крлеже бр. 1; 76100 Брчко Дистрикт БиХ; Телефон:049/220-890, 212-984 Факс локал 222

Broj: 02-04.1-123/22

Datum: 03. 03. 2022.godine

Direkcija za finansije Brčko distrikta Bosne i Hercegovine, postupajući po zahtjevu Poreskog obveznika [REDACTED], za davanje mišljenja o tome da li su u obavezi primijeniti Odluku Vlade Republike Srpske o najnižoj plati u Republici Srpskoj za 2022. godinu prilikom obračuna i isplate plate počevši od 01. 01. 2022. godine, na osnovu člana 5 Zakona o Poreskoj upravi Brčko distrikta BiH („Službeni glasnik Brčko distrikta BiH" broj: 11/20) nakon razmatranja na Kolegiju Poreske uprave dana 02. 03. 2022. godine daje sljedeće:

MIŠLJENJE

Članom 93. Zakona o radu Brčko distrikta Bosne i Hercegovine („Službeni glasnik Brčko distrikta BiH" broj: 34/19, 2/21 i 6/21) propisano je da se najniža plata, uslovi i način njenog usklađivanja utvrđuje općim aktom i ne može biti niža od najniže plate na koju se plaćaju doprinosi na obavezno osiguranje u entitetima Bosne i Hercegovine.

Za radnike koji su zaposleni u Brčko distriktu Bosne i Hercegovine a koji su prijavljeni na penzijsko i invalidsko osiguranje u Republici Srpskoj utvrđivanje bruto osnovice na koje se obračunava i plaća doprinos za penzijsko i invalidsko osiguranje se vrši prema propisima Republike Srpske.

Najniža neto plata od 590,00 KM, utvrđena Odlukom Vlade Republike Srpske o najnižoj plati u Republici Srpskoj za 2022. godinu („Službeni glasnik Republike Srpske" broj: 1/22) kada se preračuna u bruto platu iznosi 855,07 KM. Kod obračuna i prijave plate na PIO Republike Srpske trebate koristiti ovu bruto platu, jer ispod ovog iznosa neće vam pustiti prijavu. Bruto plata od 855,07 KM treba biti polazna kod obračuna plate na obrascu MIP-1023 koju predajete u Poresku upravu Brčko distrikta a obracun plate na navedenom obrascu trebate izvršiti po zakonima Brčko distrikta BiH.

Dato mišljenje je obavezujuće za Direkciju i obveznika kome je mišljenje izdato u mjeri u kojoj su tačne činjenice i okolnosti koje je porezni obveznik predočio. Direkcija nije obavezana, poreznim posljedicama navedenim u mišljenju, prema bilo kom drugom poreznom obvezniku osim poreznom obvezniku kome je mišljenje izdato. Shodno navedenom ovo mišljenje se odnosi na [REDACTED]

DOSTAVITI:

- [REDACTED]
- Evidenciji
- Arhivi

